

Ayuqnaittunut-Naunaitkutat talvunga Arcadia Kangiqhuanit Nanminianut

Taamna Arcadia Kangiqhuanit Nanminiat (taamna “Nanminiq”), nanminiuyuq aulapkaqtitaupluni taapkuninnga Transition Haviit Kuapuriissanit (Transition Metals Corporation (“Transition”)) taapkuninngalu NRC (“Nunavunmi Pivighaliqiyit Kuapuriissait”), Inuit Nanminiutainiittunilu nunami (“IOL”) avguaq CO-31, hinaani Arcadia Kangiqhuat, hivuraanit taamna Coronation Gulf. Nanminiq taamna paqitaulaaqtuq 1:50,000-mi haniani Nunauyaliuqtit Nunauyaliugainit (“NTS”) nunaayaanit 76M/11 qitqaniiplunilu 67° 42’ 21.6” N-mi talvanilu 111° 23’ 13.2” W-mut imaaluuniit, atuqhutik Nunaquyumi Paqittiyimiklu (“UTM”) nayugaqutainik, 483608 E/7510147 N, North Amialikami Naunaiqhitiit (“nad”) 83 zone 12-mi. Nuna aktigiyaqtuq 7.5 km-nik tununnganut/hivuraanit imaalu 4.5 km-nik kivalliqmit/uataanut aktigiupluni taimaa 2,696 hectares-nik.

Hapkua Havaaghanut Tughirautit tuniyauyut ihuaqhaitjutighaq taapkuninnga Qitiqmiuni Inuit Katimayit (“KIA”) Laisiutainik KTL113001 uktuquyauplutiklu nutaamik Nunavunmi Imaliqiyit Katimayit (“NWB”) imaqmut laisiutinik, ikuutarianiktittiniat hiniktaqvikaaffuqarlutiklu talvani Nanminianit. Taamna Laisiutaat KT113B001 tajja piinnarialiutauyuq uyaraghiuqtunik Nanminianit taimaa naunaitkuhiqtuqhugit, nalvaaghiuqhutik, nunanik qauyihaiputik tingmiplutiklu nunamik qauyihaiputik. Tughirautauyut havaaghanit 2017-mi nalvaaghiuqniaqhimaayut havakvingnit ikuutaqlutik 12-nik hitinik hikuliaqpalungnik ikuutaqvingnik, naallugit taktiginia 2,500 meters-nik. 2017-mi aullaqtitaghait aullaqtitauniarahugiyauyut June 1-mi (piinnarialiut pinaritqikkumiukluuniit) naahuriyauyuqlu taimaa aularaaqniarahugiyauyut 60-nik uplunik. Mikiyumik (12-nik inulingmik) hiniktaqvikaaffuilluqniat ikayuutighait nalvaaghiuqtut havakvingnit. Hiniktarvingnit atauhiqmik havakviqarniat, pingahunik hinikvingnik tupiqnik, atauhiqmik munaqhivingmik aanniqtuqaqtunik, atauhiqmik paniumayunik, atauhiqmik ingniqutiqravingmik/tutquumavingmik, atauhiqmiklu qauyihaivingmik. Amihut tupiqpait uqquuqutiqaqniat Weatherhaven tupiiniq, aajikkutainiklu, qiyuinnarnik natiqarlutik. Havaktit taapkua havaktiuniarahugiyauyut 2017-mi uyaraghiuqtillugit taapkuanguyut aullaqtitainut parnaiyaiyi, kukialuk/munaqti, halikaaptanik tingmialik, ikuutaqtit hanayiat hitamaulutik (4), nunaniklu qauyihaiyinik/nunainnaqmi ikayuqtiniklu hitamaulutik (4).

Naahuriyauyut taimaa naallugit immat atuqpangniat 2 m³-nik upluq tamaat hiniktaqvianit taimaalu 40m³—nik upluq tamaat ikuutaqhutik, naallugit atuqpangniat 2m³/upluq tamaat. Naahuriyauyuqlu taimaa hunaqutit ingilrutillu agyaqtauvangniaqtut havakvingnut tingmiakkut Yalunaimit, Iqaluktuuttiaqmit talvanngalu/uniit Qurluqtuqmit. IOL avguangat taamna nappa CO-31 tikitaulaaqtuq qayalikkut pilraalikkullu tingmiakkut Salt Tahiaqut, talvani tungunnganiqpianiittuq Nanminiqmit ahiagulluuniit milviqaqhutik talvani Ulu uyaraghiuqviat haniani ungahiktigiyuq 95-km-nik hivuraanut milvingmi talvani Tree River Lodge-mi 20 km-nik ungahiktigiyuq uataanut. Halikaaptamik talvaniittuqarniaq agyaqtautighaq havaktinik hunaqutiniklu havakvingnut. Mikiyunik uqhughaqapangniat ikayuutighait uyaraghiuqtut. Ilitturihimaliqtainit 2017-mi aullaqtihimayainit, uyaraghiuqtut aularaaqpangniarahugiyaat qaffinik ukiunik atuqtughanik.




Figure 1.